

Այս գիւղն 83 թուին քուրդ բնակութիւն չբար, Մուրատ բէկ անուանեալ քուրդն այս տեղ ջրազացք մի ունէր, տակաւ առ տակաւ տասն տան չափ քրդեր այս գիւղըս հաստատեց, որոց յանձնեց հայոց կալուածներու մեծ մասն, որով հայերն որք խիստ լաւ վիճակ մը ունէին, աղքատացած են:

Խոշեանայ Աւտայի և Մուրատի (հայ) տներն ամբողջ Բագրեանդայ մէջ կը յիշուին մինչև ցայսօր, թէ ինչպէս հացալից են և հիւրասէր: Խաղաղէն 3 — 4 ժամ իջնող ճանապարհորդն, նաև Զրլիանի գիւղից 3 1/2 ժամ եկողն և Խաստուրէն ի Մօլլա-սիւլէյ-ման, թ. դպէէն Շեռեանայ գլուխ անցնողներն այս գիւղը պիտի օթեանին, այս երկու տներու մէջ իւրեանց քաղցը յագեցնելով պիտի անցնին:

Գիւղս հաստատուած է հինգ տարիէ ի վեր, մի Արճիշեցի քահանայ որ ժիր երկրագործ է, վիճակը ևս բարւոքած:

Այս գիւղն երբէք ուսումնարանի երես տեսած չէ, ունի մի խարխուլ մութ եկեղեցի Ս. Յակոբ անունով:

Գիւղիս արեւմտեան ծայրն կայ մի ընդարձակ գերեզմանատուն, որ ունէր մեծամեծ խաչ քարինք, զորս հանած է վերոյիշեալ քուրդ Մուրատ բէկն և իւր ջրաղացքը շինած:

Յաւայի էր այդ յիշատակարաններով լեցուն քաղերն ջրաղացքի որմերուն մեծ մասն բռնած տեսնել:

Մի քանի քար կար մնացած գերեզմանատան մէջ զրուած, որ հազիւ կարողացած եմ մէկն ընթեռնուլ. այս:

«Գաբրիէլ ծառայ Քրիստոսի փոխեցաւ առ Աստուած, կէս օր եմ եկել ի ծնողաց իմոց, դպիր աղօթս արարէք»: